

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VIII. Refertur epistola Bonifacij ad Stephanum; qua petit uti legatio sedis apostolicæ sibi continuetur.

urn:nbn:de:hbz:466:1-15617

Bonifac. Magnum.
epist. 91.

chariae, adeoque caveret ne quid deinceps ex ea praesumeret. Ista ita contigisse mihi collegisse videor ex epistola Bonifacij ad Stephanum: in qua deprecans errores suos, tum tarditatem suam excusans, omnibus modis contendit a Stephano uti sibi continuaretur ea dignitas, multum obtestatus se nihil eorum praetermississe que conducere putasset ad ascensionem Romani Pontificis auctoritatem apud exterias nationes, emendaturum porro si quid minus bene gestum esset, tantum ne ipsum ea ignominia afficeret ut tot per annos fixum fastigij regimen sibi abrogaret.

VII. Sed ante quam Bonifacij verba referam, admonendus est lector, familiaritatis apostolicae sedis vocabulo, quo heic uititur Bonifacius, intelligi vicarium Romanum. Testis erit ipse Bonifacius in epistola cxxxv. ad Zachariam: in qua loquens de vicibus apostolicae sedis sibi commissis, quibus per triginta tum annos ornatus fuerat, ait: *Postquam me ante annos propè triginta sub familiaritate & servitio apostolice sedis annuente & iubente venerande memoriæ antistite apostolico Gregorio anteriore voto constringi, quicquid mibi letitia acciderat apostolico Pontifici solebam indicare.* Sic etiam fortassis explicanda est vox familiaritatis in epistola xix. Nicolai primi ad Lotharium Regem Austrasie, qua eum rogat ut Rodoaldum Portuensem Episcopum & Ioannem Ficolensem, Legatos apostolicae sedis, *digno honore suscipiat, & familiaritatis eius locum concedat*, id est, honorem illis habeat congruentem viris qui familiaritate seu legatione sedis apostolicae instructi erant, & ut eos Legatorum auctoritate uti sinat. Sic Innocentius III. instauratione privilegiorum Ecclesiæ Thessalonicensis intentus, uti suprà adnotavimus, ita scribit ad G. Thessalonicensem, cuius decessores vetustis temporibus fuerant apostolicae sedis Vicarij per provincias Illyricanas: *Licet autem prefatus antistes satis profecto fuerit ex Ecclesiæ sue dignitate conspicuus, magis tamen utique fuit ex apostolice sedis familiaritate praelatus.*

VIII. Referenda nunc sunt ipsa Bonifacij verba, ex quibus constabit illum valde voluisse continuato imperio uti, & omnino accensum contumelia Pontificis animum placare ob eam causam studuisse. *Sanctitatis vestre clementiam intimis ac visceratis obnoxie flagito precibus ut familiaritatem & unitatem sancte sedis apostolice ab almitatis vestre clementia impetrare & habere merear, & in discipulatu pietatis vestre sedi apostolice serviendo, servus vester fidelis ac devotus permanere possim, eodem modo quo ame sub tribus predecessoribus vestris apostolicae sedi serviebam venerabilis memoria duobus Gregorii & Zacharia, qui me semper*

hortatione & auctoritate litterarum suarum mandebant & adjuvabant: quod & pietatem vestram agere deprecor, ut preceptum paternitatis vestre è melius perficere & implere possim. Nam si quid in ista legatione Romana, qua per xxx. & vi. annos fungebatur, utilitas Ecclesiæ prefata peragi, adhuc implere & augere desidero. Si autem minus peritè aui injusè à me factum aliquid vel dictum reperitur, iudicio Ecclesiæ Romanae prompta voluntate & humilitate emendare me velle sperdeo. Interea deprecor ut pietas Domini mei non indignetur quia tam tardè Missum meum & litteras ad presentiam vestram direxi. Sed hoc idcirco contigit quis preoccupatus fuī in restitutione Ecclesiistarum quas pagani incenderunt, qui per titulos & cellas nostras plus quam xxx. Ecclesiastas vastaverunt & incenderunt. Et hoc fuit occasio tarditatis litterarum & appellacionis paternitatis vestre, & non aliqua negligencie incuria.

X. Mirari autem hoc loco non absurdè quis posset, quid est quod vir insigni modestia præditus, ac morti proximus, quique longissimum per ævum palam professus fuerat contemptum rerum humanarum, non timida, ut videtur, ambitione, & sollicita cupiditate legationis, Stephani animum dimiso obsequio & inclinata mente mitigare studet. Ista quidem vulgo sunt indicia prava ambitionis, qua in animos hominum sanctissimorum penetrare non potest. Sed quia etiam sapientibus, ut Tacitus observat, cupido gloriae novissima exiit, fatendum quidem est superesse adhuc aliquid humani in sanctis illis viris, sed tamen eorum consilia, quæ interdum humana esse prima facie videntur, ad gloriam summi Dei spectare, huc omnes eorum cogitatione tendere, & nihil aliud spirare eos, cum cogitant de acquirendis aut conservandis honoribus, quam ut ex ea occasione multa pro imperio agant ad gloriam Dei quæ non adeo facilè exequi possent si privata tantum auctoritate ageant. Hilarium Arelatensem Episcopum laetissimum virum fuisse omnes norunt. Et tamen ille multum sollicitus fuit de retinenda auctoritate sedis suæ per Gallias. Sed ut ostenderet non id se aliqua prava ambitione agere, Roman proficisciens ad tuendam dignitatem suam, non rheda non equo vectus est, non ambitiosum comitatum duxit neque impedimenta, sed ingressus iter pedibus, in equum omnino non ascendit. Itidem Bonifacius, cum se permulta ad gloriam Dei & ad augmentum Christianæ religionis fecisse intelligeret per sex & triginta annos quibus legationem apostolicae sedis obtinuerat, multaque adhuc superesse quibus ad optatum finem perducendis necessaria esset continua-

Vide supra cap.
x. 5. 4.

S. Bonifac. epist.
91. & To. 2. Cap.
viii. Galia
p. 7.